

Leinsamen auff ein Glut geworffen/vnd den rauch  
in die Nasen gezogen/benimpt den Schnuppen.

Kautensamen gepulvert/vnd in die Nasen gezogen/  
benimpt den Schnuppen.

Trem/Boley gesotten in Wein vnd den getruncken/  
benimpt den Schnuppen.

### Wo mit man Haar vertreiben soll.

Ein bewerte Salb die das Haar vertreibet/wo man  
es nit gern hat. Nimb vngelöschten Kalk vier Quintz  
lin/das gelb Experimentzwey Quintlin/das Koch in ei  
nem Essig/thu dazu ein wenig Wachs/vnd mach es zu  
ernem Unguent/nimb das Unguent/vnd reib darmit  
die statt/da es dich schmirzet/das thu dreymal/dar  
nach gehe in das Bad/vnd wenn du schwizest/so las  
sen sich die Haar gern heraus ziehen/darnach salbe es  
mit Ephew safft.

### Cap. iiii. Von den Augen.

So einer ein blödes Gesicht hat/warmit er  
allen Gebresten der Augen wenden soll.

**D**ermentigwasser mit Turian vermischt/ in die  
Augen gethan/macher sie gesund vnd klar.  
Sawraupffer gestossen/vnd auff die Augen  
gelegt/gleich ein Pflaster/vertreibet Hitz vnd  
Geschwulst.

Trem/Antimonium gemischer/ mit Fenchelwasser/  
vnd in die Augen gethan/macht sie gesund/vnd behält  
das Gesicht.

Berthonienblätter zerstoßen/vnd auff die Augen ge  
legt gleich einem Pflaster/hilfft so einem die Augen  
zerschlagen seind.

Trem/so einem die Augen alle morgen zubachen/so  
nimb Hauswurzsafft/vnd wäsch sie damit dreymor  
gen/es hilfft.



## Von allerhand Arzneyen/

Von dem Samen von Basilien getruncken mit Wein/ benimpt den Schmerzen der Augen/ wie er seyn mag.

Den samen von Wänscheringen gestossen/ vnd den safft vmb die Augen gestrichen/ nimpt den flusz.

Selreißsaft in die Augen gethan/ nimbt das Fäll darinn/ vnd welcher die Wurzel am Hals trägt/ dem schwären die Augen nimmer.

Den safft von Augentrost in die Augen gethan/ macht sie klar vnd schön.

Scharlachsamem gestossen/ vnd gemischt mit Feuchelsaft in die Augen gethan/ macht sie gesund.

Scabiosensaft in die Augen gethan/ die voll Bluts gelauffen seind/ das vertreibt es.

So einer Hitz hat bey den Augen/ oder eine Röte/ vnd geschwollen seind.

Nimb Stabwurz ein Quintlein / vnd ein weißbrotsam Brods / seud das in Wasser/ vnd behe die Augen damit/ es zeucht viel Hitz auß/ vnd vertreibt das Augen schwären.

Dillenswurz gestossen/ vnd auff die Augen gelegt benimpt die Hitz darauß.

Schlehensaft über die Augen gelegt / oder gestrichen/ benimpt die Hitz darvon.

Braunellensaft gemischer mit Gerstenmäl / vnd über die Augen gelegt/ sänffriget die Hitz.

Antimontum mit Rosenwasser gemischer/ vnd in die Augen gethan benimpt die Röte.

Kümmel gestossen/ vnd gemengt mit dem weissen eines Eyes/ vnd über gelegt/ benimpt die Röte.

Item die Blätter von Myrtus gesotten in Wasser/ vnd mit einem Tuch auff die Augen gelegt/ benimpt die Geschwulst darvon.

Burgelsaft auff die Augen gelegt/ benimpt die Geschwulst darvon.



### So ein Mensch ein dunckel Gesicht hat.

Rosmarinsafft gemischt mit Honig/vnd in die dunckeln Augen gethan/macht sie klar vnd hell.

Mäpfohrsafft vnd Schöllwurtt Wasser gemischt mit Honig/ist fast gut den dunckeln Augen/darein gethan.

Schöllkrautsafft gesotten vnd geschäumt / in die Augen gestrichen / nimbt die Dunckele darvon / vnd machet sie klar.

Zwybelsafft gemischt mit Honig/vnd die dunckelen Augen damit bestrichen/machet sie hell vnd klar.

Fenchelsafft gemischt mit Honig/vnd in die Augen gethan/machet sie klar.

Gamandersafft gemischt mit Honig / vnd in die Augen gethan/machet sie klar.

Müngensafft mit Honig temperirt/vnd in die Augen gethan/machet sie klar.

Sänffingerkraut in wein gelegt/in einem Kÿpfferin Geschir/ laß ein Nacht oder zwo stehen/vnd legs in die Augen/machet sie klar.

Nimb Haselwurtt vnd Tutian/vermischt mit Rosenwasser/vnd legs über/benimpt die Dunckelheit von den Augen.

### So ein Mensch Fäll oder Flecken

in den Augen hat.

Alaun zerlassen in Schöllkrautwasser/vnd in die Augen gelegt/nimpt die Fäll.

Schöllwurttafft mit Honig/oder aber mit Sallarmoniack gemischt/vnd in die Augen gelegt/nimpt die Fäll in Augen.

Gelb Violblumen / den Saft davon in die Augen gethan/ nimpt die Fäll darinn.

Item/das Blut vnter dem rechten flügel der Tauben/in die Augen gethan/nimbt die Fäll.

Nimb die Wurzel von Entian/legs ins wasser/dar-



## Von allerhand Arzney/

nach sendt / laß ein Tag oder drey stehn / vnd sendt denn wider / daß es dick werde als Honig / das leg in die Augen / nimbt alle Fäll vnd Flecken.

Den Saft von Senffsamem in die Augen gethan / nimbt die Fäll.

Sarcocolla gemischt mit Rosenwasser / vnd in die Augen gethan / benimpt die Fäll.

Wermuthsaft gemischt mit Honig / vnd in die Augen gethan / nimbt die Fäll.

Bitter Mandelöl gemischt mit Honig / vnd Süßholz / vnd Rosenöl / vnd ein wenig Wachs / darauß mache ein Salblein / leg in die Augen / es benimpt die Fäll darvon.

Eisenkraut vnd Fenchelsaft gemischt / vnd in die Augen gethan / macht die klar vnd hell.

So einem Menschen die Augen zu allerzeit triessen vnd rinnen.

Goldwurz mit Tutian vermischt / vnd in die Augen gethan / ist gut für das rinnen vnd triessen der Augen.

Schlehensaft vnd Aloe gemischt mit Rosenwasser oder Fenchelsaft / vnd vmb die Augen gestrichen / benimpt das rinnen.

Corallen vnd Krastmäl gepulvert / vnd in die Augen gethan / benimpt das stießen.

RosenKnöpf in Wasser gesotten / vnd in die Augen gethan / benimpt das stießen.

Tormentillen Wurzel in Wasser gesotten / vnd mit Tutian vermengt / in die Augen gethan / benimpt den Fluß.

So einem die Augen ohn vnterlaß Eytern.

Item Essig mit Honig gesotten / vnd in die Augen gesalbt / benimpt das Eytern.

Den Saft von Bilsensamen über die schwerenden Augen gestrichen / benimpt ihnen das eytern darvon.

Sarcos



Saracolla gemischt mit Krafftinal vnd Zucker/ benimpt ihnen das Pytern/ so man es darein thut.

Wasser mit Pfefferkraut zerknirschet/ über die Augen gelegt/ benimpt ihnen das Pytern.

### Cap. v. Von den Ohren.

So einem Menschen die Ohren wehe thun/ vnd zuzeiten rinnen.

**S**aurampffer Safft in die Ohren gelassen/ vertreibt wehe vnd Geschwulst der Ohren.

**S**dillendöl warm in die Ohren gelassen/ benimpt das wehe darinn.

Bethoniensafft gemischt mit Rosenöl/ vnd das warm in die Ohren gelassen/ benimpt allen schmerzen darvon.

Item/ die Wurzel vom Römischen Röl gesotten/ das Wasser in die Ohren gethan/ benimpt den schmerzen.

Kanfföl warm in die Ohren gelassen/ benimpt den schmerzen vnd das Pytern.

Kürbsaffe vermischt mit Rosenöl/ vnd warm in die Ohren gethan/ heilet den schmerzen.

Diptam Wurzel gemischt mit Milch/ vnd in die Ohren gelassen/ nimpt den schmerzen.

Andorn safft gemischer mit öl/ vnd warm in die Ohren gelassen/ heilet allen schmerzen der Ohren.

Breiten Wegrich Safft in die Ohren gethan/ benimpt den schmerzen der Ohren.

Scabiosa safft in die Ohren gelassen/ nimpt allen schmerzen davon.

Violdöl in die Ohren gelassen/ benimbt alles wehe darinnen.

Item/ Lauch in öl vnd Essig gesotten/ vnd in die Ohren gethan/ nimbt den schmerzen der Ohren.

Item/ den Safft von dem Kraut Parietaria/ zu